

Fundargerð 913. fundar

stjórnar Sambands íslenskra sveitarfélaga

Árið 2022, miðvikudaginn 28. september kl. 12:00 kom stjórn Sambands íslenskra sveitarfélaga saman til fundar á Akureyri.

Fundinn sátu: Aldís Hafsteinsdóttir, Heiða Björg Hilmisdóttir, Pórdís Lóa Þórhallsdóttir, Eyþór Laxdal Arnalds, Gunnar Einarsson, Guðmundur Ari Sigurjónsson, Rakel Óskarsdóttir, Halldóra Lóa Þorvaldsdóttir í fjarfundarbúnaði, Jón Björn Hákonarson og Ásgerður Kristín Gylfadóttir.

Kristján Þór Magnússon boðaði forföll en ekki gafst tími til að boða varafulltrúa hans á fundinn.

Að auki sátu fundinn Karl Björnsson framkvæmdastjóri og sviðsstjórnarnir Anna G. Björnsdóttir, Guðjón Bragason, Inga Rún Ólafsdóttir, Sigurður Ármann Snævarr og Valur Rafn Halldórsson, sem ritaði fundargerð.

Í upphafi fundar óskaði formaður Heiðu Björgu Hilmisdóttur viðtakandi formanni til hamingju með kjörið og óskaði henni velfarnaðar í krefjandi hlutverki fyrir hönd sveitarfélaga landsins. Undir það tóku aðrir stjórnarmenn og starfsmenn.

Fundargerðin var færð í tölvu.

Þetta var tekið fyrir:

1. Fundargerð 912. fundar - 2201008SA

Lögð fram til staðfestingar fundargerð 912. fundar stjórnar sambandsins frá 2022.

Fundargerðin staðfest og undirrituð.

2. Fræðslumálanefnd - 2009079SA

Lögð fram fundargerð 141. fundar fræðslumálanefndar sambandsins frá 1. júní 2022.

3. Verkefnisstjórn fyrir hagsmunagæslu í úrgangsmálum - 2009015SA

Lögð fram fundargerð 75. og 76. fundar verkefnisstjórnar fyrir hagsmunagæslu í úrgangsmálum frá 15. ágúst og 19. september 2022.

Vegna bókunar við 2. lið fundargerðar frá 19. september 2022 um málefni Úrvinnslusjóðs og framlengdrar framleiðendaábyrgðar:

Stjórn sambandsins áréttar að aukin framleiðendaábyrgð er einn af lykilþáttum við innleiðingu hringrásarhagkerfis hér á landi. Mikilvægt er því að fyrirkomulag og fjármögnun í gegnum Úrvinnslusjóð eða með öðrum hætti sem ákveðin liggja fyrir sem fyrst. Stjórn bendir á að alger uppstokkun á fyrirkomulagi framleiðendaábyrgðar myndi taka langan tíma og tefja framgang hringrásarhagkerfis hér á landi.

Stjórn telur jafnframt að skýrsla Ríkisendurskoðunar um starfsemi Úrvinnslusjóð leiði í ljós að tækifæri eru til að auka gagnsæi og vinna að margháttaðum úrbótum í starfsemi sjóðsins. Mikilvægt er að unnið verði markvisst að þeim úrbótum, í góðri sátt við sveitarfélögin.

Vegna bókunar við 4. lið fundargerðar frá 19. september 2022 um meðhöndlun sláturúrgangs og dýrahæja.

Stjórn sambandsins telur afar brýnt að fundin verði ásættanleg lausn fyrir förgun dýraleifa þar sem áhersla verði lögð á öruggan farveg fyrir förgun áhættuvefja. Prenging á heimildum urðunarstaða til urðunar sláturúrgangs getur kallað á fjárfestingar af hálfu sveitarfélaga og kallar stjórnin eftir aðkomu ríkisins að verkefninu, þar sem augljóslega reynir á skyldur ríkisins á grundvelli EES-samningsins.

Jón Björn Hákonarson kom inn á fundinn kl. 13:10.

4. Tekjustofnanefnd - 2104057SA

Lögð fram drög að skýrslu tekjustofnanefndar, dags. 1. september 2022.

Stjórnin óskar eftir sameiginlegum fundi fulltrúa sambandsins með forsætisráðherra, innviðaráðherra, félags- og vinnumarkaðsráðherra og fjármála- og efnahagsráðherra, til að ræða versnandi fjárhagsstöðu sveitarfélaga og nauðsynleg viðbrögð við henni. Styrkja þarf tekjustofna sveitarfélaga sem allra fyrst og leita jafnframt annarra lausna til að tryggja fjárhagslega sjálfbærni þannig að þjónusta við íbúana verði sem best tryggð.

5. Varðar tillögu að stjórn sambandsins 2022-2026 - 2207023SA

Lögð fram bókun bæjarráðs Akureyrarbæjar og bæjarráðs Kópavogs frá 22. september 2022, varðandi tillögu að stjórn Sambands íslenskra sveitarfélaga 2022-2026.

6. Tillaga um stofnun stýrihóps vegna áfengisgjalda til sveitarfélaga - 2209002SA

Lögð fram beiðni borgarráðs um umsögn sambandsins um tillögu borgarráðsfulltrúa Sósíalistaflokks Íslands um stofnun stýrihóps vegna áfengisgjalda til sveitarfélaga.

Stjórn sambandsins þakkar fyrir erindið og samþykkir að vísa því til stefnumótunarvinnu á landsþingi sambandsins.

7. Úttekt á stöðu brunamála á Íslandi - 2209036SA

Væntanleg er skýrsla frá Húsnæðis- og mannvirkjastofnun um stöðu brunavarna á Íslandi. Til undirbúnings fyrir kynningu á skýrslunni hafa fulltrúar sambandsins fundað með HMS og innviðaráðuneyti og gerð samstarfsyfirlýsingar og mögulegrar aðgerðaáætlunar til úrbóta. Sviðsstjóri lögfræði- og velferðarsviðs gerir grein fyrir stöðu málsins.

8. Tilnenfing í samráðsnefnd um málefni fatlaðs fólks - 2209010SA

Lagt fram til kynningar bréf sambandsins til félags- og vinnumarkaðsráðuneytisins, dags. 9. september 2022, þar sem Valgerður Jónsdóttir, sérfræðingur hjá mannréttinda- og lýðræðisskrifstofu Reykjavíkurborgar, er tilnefnd í samráðsnefnd um málefni fatlaðs fólks.

9. Framhaldsumsögn um drög að breytingu á reglugerð um starfsumhverfi leikskóla - 2204001SA

Lögð fram til kynningar framhaldsumsögn sambandsins til mennta- og barnamálaráðuneytisins, dags. 2. september 2022, um drög að breytingu á reglugerð um starfsumhverfi leikskóla, mál nr. S-92/2022, ásamt fyrri umsögn.

10. Ályktanir 67. Fjórðungspings Vestfirðinga - 2201003SA

Lagðar fram til kynningar ályktanir ársþings 67. Fjórðungspings Vestfirðinga sem fram fór á Patreksfirði dagana 8.-10. september 2022.

Fyrir þennan fundarlið óskaði formaður eftir stuttu fundarhléi.

11. Kjörnefnd - 2009414SA

Rætt um tillögu að fulltrúum í kjörnefnd sambandsins sem kjósa þarf á landsþingi.

Stjórnin samþykkir að leggja til við landsþing að eftirtaldir skipi kjörnefnd sambandsins fyrir kjörtímabilið 2022-2026:

Kristinn Jónasson, bæjarstjóri Snæfellsbæjar,

Líf Magneudóttir, borgarfulltrúi,

Pálína Margeirsdóttir varabæjarfulltrúi í Fjarðabyggð,

Sabine Leskopf, borgarfulltrúi,

Ásgeir Sveinsson, bæjarfulltrúi í Mosfellsbæ og

Margrét Þórarinsdóttir, bæjarfulltrúi í Reykjanesbæ.

Í lok fundar þakkaði stjórnarfolk fyrir gott samstarf á seinustu fjórum árum sem hafa verið ansi krefjandi en um leið innihaldsrík og gefandi.

Aldís sem stýrði sínum síðasta stjórnarfund sambandsins þakkaði fyrir mjög gott samstarf á kjörtímabilinu og óskaði stjórn og starfsfólki sambandsins farsældar í mikilvægum störfum sínum.

Aðrir fulltrúar í stjórn og starfsfólk þakkaði Aldísi fyrir gott samstarf og óskuðu henni velfarnaðar í framtíðinni ásamt því að henni var þakkað sérstaklega fyrir framlag sitt til hagsmunagæslu fyrir sveitarfélögin í landinu.

Fundi var slitið kl. 14:10

Aldís Hafsteinsdóttir

Heiða Björg Hilmisdóttir

Pórdís Lóa Þórhallsdóttir

Eyþór Laxdal Arnalds

Gunnar Einarsson

Guðmundur Ari Sigurjónsson

Rakel Óskarsdóttir

Halldóra Lóa Þorvaldsdóttir

Jón Björn Hákonarson

Ásgerður Kristín Gylfadóttir

framkvæmdastjóri

ritari

Skjal sótt af '00000000000' dags: 19.08.2026